

〔清〕錢謙益 著  
〔清〕錢曾 箋注  
卿朝暉 輯校

牧齋初學集詩法彙校

下

中國古典文學叢書



〔清〕錢謙益 著  
〔清〕錢 曾 箋注  
卿 朝 暉 輯校

牧齋初學集詩注彙校 下

上海古籍出版社

# 初學集卷十三

## 試拈詩集上

起十一年戊寅正月，盡七月。

獄漸解，頌繫待放。五月二十四日，以火災〔一〕肆赦，遂得出。東坡蒙恩責授詩云：却對酒杯渾是夢，試拈詩筆已如神。故以「試拈」名集，聊用志喜。

### 【注釋】

〔一〕火災 戊寅四月五日卯刻，新局火藥災，石板平起空中，民家醬瓶移置屋極，□醬不動。乘驢過者，人驢飛至半空，驢腸腹潰，而人墮地無損。

## 戊寅元日偶讀史記戲書紙尾

夢廻旭日〔一〕射窻明，遷史才繙午箭〔二〕更。笑殺蕭何與周勃，可將獄吏換公卿？

【注釋】

〔一〕旭日 國風匏有苦葉詩：旭日始旦。毛萇傳曰：謂大昕之時。正義曰：旭者，明著之名，故謂爲日出。昕者，明也。日未出已名爲昕矣，至日出益明，故言大昕也。

〔二〕午箭 唐詩紀事：褚亮和詠日午詩：曦車日亭午，浮箭未移暉。

其二

贖背千金〔一〕獄始明，吹簫織薄〔二〕可憐生！北軍左袒〔三〕倉皇日，七尺爭如冒絮輕。

【注釋】

〔一〕贖背千金 史記周勃世家：人有上書告勃欲反，下廷尉。勃以千金與獄吏，獄吏書贖背示之曰：「以公主爲證。」太后亦以爲無反事，文帝朝太后，以冒絮提文帝，曰：「絳侯縮皇帝璽，將兵于北軍，不以此時反，今願欲反耶？」文帝于是赦絳侯。

〔二〕吹簫織薄 史記周勃世家：勃以織薄曲爲生，常爲人吹簫給喪事。索隱曰：織蠶薄爲生業。瓚曰：吹簫以樂喪賓，若樂人也。

〔三〕左袒 史記呂后紀：襄平侯通尚符節，持節矯內太尉北軍。行令軍中曰：「爲呂氏右袒，爲劉氏左袒。」軍中皆左袒。

### 其三

絳侯繫急漫嗟吁，又見工官〔一〕坐亞夫。父子將兵俱百萬，敢從獄吏鼓囓胡〔二〕。

#### 【注釋】

〔一〕工官 史記周勃世家：

條侯子爲父買工官尚方甲楯五百被可以葬者，取庸苦之，不予錢。庸知其盜

買縣官器，怒而上變告子，事連汙條侯。

〔二〕鼓囓胡 後漢書五行志： 桓帝初童謠：請爲諸君鼓囓

胡。鼓囓胡者，不敢公言，私咽語。

### 其四

漢家爭道孝文明，左右臨朝〔一〕問亦輕。絳灌但知讒賈誼〔二〕，可思流汗愧

陳平〔三〕？

#### 【注釋】

〔一〕左右臨朝 史記孝文紀： 元年十月，右丞相平徙爲左丞相，太尉勃爲右丞相，大將軍灌嬰爲太尉。

〔二〕讓賈誼漢書賈誼傳：于是天子議以誼任公卿之位，絳、灌、東陽侯、馮敬之屬盡害之，迺毀誼。  
〔三〕愧陳平漢書王陵傳：上益明習國家事，朝而問右丞相勃曰：「天下一歲決獄幾何？」勃謝不知。問：「天下錢穀出入幾何？」勃又謝不知，汗出洽背，愧不能對。上亦問左丞相平，平曰：「有主者。」

## 其五

秦時刀筆〔一〕漢三章〔二〕，械繫〔三〕歸來兩鬢霜。聞道青門方會客，種瓜〔四〕五色〔五〕曜朝陽。

### 【注釋】

〔一〕刀筆漢書蕭曹傳贊曰：蕭何、曹參皆起秦刀筆吏。  
〔二〕三章史記高帝紀：沛公西入咸陽，與父老約法三章，餘悉除去秦法。  
〔三〕械繫漢書蕭何傳：何爲民請上林中空地，上怒，下何廷尉，械繫之。  
〔四〕種瓜漢書蕭何傳：上使使拜丞相何爲相國，益封五千戶，令卒五百人，一都尉爲相國衛。諸君皆賀，召平獨弔。召平者，故秦東陵侯。秦破，爲布衣，貧，種瓜長安城東，瓜美，故世謂東陵瓜。平謂何曰：「上疑君，置衛衛君，願讓封勿受。」何從其計。上說。  
〔五〕五色阮嗣宗詠懷詩：昔聞青門瓜，近在東陵外。連畛距阡陌，子母相鈎帶。五色耀朝日，嘉賓四面會。

## 其六

南鄰有客醉呼盧〔一〕，笑指圓狴作酒墟。愧我不如曹相國，後園張飲〔二〕應歌呼。

### 【注釋】

〔一〕呼盧 樂天酹微之詩鏡湖詩：

酒盞省陪波卷白，骰盆思共彩呼盧。

〔二〕張飲

史記曹參世家：

相舍後園吏舍日飲歌呼，參遊園中，反取酒張坐飲，亦歌呼，與相應和。

## 華山廟碑歌題華州郭胤伯所藏西嶽華山廟碑

關中汲古〔一〕有二士，郭髯趙嶮俱嵯峨。趙嶮，字子函，盩厔人。集錄金石，著石墨鐫華。伊

余南冠繫請室〔二〕，攤書晝臥如中魔〔三〕。郭生示我華山碑，欲比七發〔四〕捐沉疴。展碑

撫卷忽起坐，再三嘆息仍摩挲。桓靈之際文頗盛，六經刻石〔五〕正繆譌。開陽門〔六〕外講

堂畔，車輛觀寫肩相摩。鴻都學生〔七〕競蟲鳥〔八〕，宣陵孝子〔九〕羣鸛鵝〔一〇〕。石渠白

虎〔一一〕事已遠，皇義篇〔一二〕成世則那〔一三〕。此碑傳自延熹載，石經未立先鐫磨。丈人

行可逼秦相〔二四〕，一飯〔二五〕禮本先光和〔二六〕。郭香香察未遑辨，洪适云：東漢循王莽之禁，人無二名。「郭香察書」者，察洩他人之書爾。小歐陽以爲郭香察所書，非也。但見濃點兼纖波〔一七〕。鋒刃屈折陷鐵石，嶄巖高下連截嵯。古來書佐〔一八〕擅筆妙，後代學士徒口哇〔一九〕。久嗟石跌毀鼻肩〔二〇〕，却喜紙本纏蛟蛇。墨莊〔二一〕舊物落髯手，如出周鼎〔二三〕獲晉犧〔二四〕。身領僮奴雜裝治，手與心眼爭煩接。靈偃細帙巧純緣，史明牙籤細刮磋。惠靈偃，史明，郭氏僮也。收藏定可厭鄴架〔二四〕，鑒賞況復窮虞戈〔二五〕。我昔遣祭人太學，肅拜石鼓〔二六〕拂白科〔二七〕。依稀二百七十字，維鯁貫柳〔二八〕存無多。晴窻歸樵古則卷，家藏石鼓文，是趙古則本。按節自誦昌黎歌。去年登岱訪古蹟，開元八分半鬚蠹。俗書刊落許公頌〔二九〕，爛班漫漶餘蝓蝸。風霜兵火恣殘蝕，此本疑有神護詞。聖世文章就燔熄，珠囊〔三〇〕儒雅失網羅。舞書〔三一〕不顧經若典，破體〔三二〕豈論隸與蝌。兔園〔三三〕邨老議軒頤，乳臭〔三四〕兒子評丘軻。踏駁指日還見斗〔三五〕，鬻凌祀海寧先河〔三六〕。少小亦思略識字，沉淪俗學悲嗚喎〔三七〕。況聞中原戰羣盜，盜竊名字紛么麼〔三八〕。搜金剔玉殫屋壁，崩崖焚闕傾山河。汲冢〔三九〕書門〔四〇〕徧烽燧，祈年〔四一〕岫嶼〔四二〕難經過。每憐耆舊委榛莽，誰集金石凌坡陀？郭髯連蹇趙岫死，老夫頭白空唵哦。還碑梯几〔四三〕意恹恹，髯乎髯乎奈爾何！



【注釋】

〔一〕汲古 昌黎秋懷詩：歸愚識夷塗，汲古得修綆。 〔二〕請室 漢書賈誼傳：造請室而請學耳。應

劭曰：請罪之室。蘇林曰：音絮清。胡公漢官：車駕出，有請室令在前先驅，此官有別獄也。 〔三〕中

魔 段柯古續西陽雜俎：有書生住鄧州，嘗遊郡南，數月不返。其家詣卜者占之，卜者曰：「甚異。君所卜

行人，兆中如病非病，如死非死，逾年自至矣。」果半年，書生歸，云遊某山深洞，人值物蟄，如中疾，四肢不能

動，昏昏若半醉。見一物自明入穴中，却返，良久又至，直附身引頸臨口鼻，細視之，乃巨龜也。一息頃乃去。

書生酌其時日，其家卜吉時焉。 〔四〕七發 枚乘七發注：李善曰：說七事以起廢太子也。 〔五〕

六經刻石 後漢書蔡邕傳：熹平四年，奏求正定六經文字，靈帝許之。邕乃自書冊于碑，使工鐫刻，立于太

學門外，于是後儒晚學咸取正焉。及碑始立，其觀視及摹寫者，車乘日千餘輛，填塞街陌。 〔六〕開陽門 後

漢書光武紀注：陸機洛陽記曰：太學在洛陽城故開陽門外，去宮八里。講堂長十丈，廣三丈。 〔七〕鴻

都學生 後漢書靈帝紀：始置鴻都門學生。臣賢曰：鴻都，門名也，于內置學。時其中諸生，皆勅州郡三公

舉召能為尺牘辭賦及工書鳥篆者相課試，至千人焉。 〔八〕蟲鳥 漢書藝文志注：師古曰：蟲書謂為

蟲鳥之形，所以書幡信也。 〔九〕宣陵孝子 後漢書蔡邕傳：市賈小民為宣陵孝子者復數十人，悉除為

郎中、太子舍人。 〔一〇〕鸚鵡 左傳昭公二十一年：鄭翩願為鸚鵡，其御願為鵝。杜預曰：鸚鵡、鵝皆陳

名。 〔一一〕石渠白虎 後漢書儒林魏應傳：時會京師諸儒于白虎觀講論五經同異，使應專掌難問，侍

中淳于恭奏之。帝親臨稱制如石渠故事。 〔一二〕皇義篇 後漢書蔡邕傳：初，帝好學，自造皇義篇五

十章。 〔一三〕則那 昌黎石鼓歌：繼周八代爭戰罷，無人收拾理則那！ 〔一四〕逼秦相 少陵李

潮八分小篆歌：況潮小篆逼秦相，快劍長戟森相向。八分一字直百金，蛟龍盤拳肉屈強。吳郡張顛誇草書，草書非古空雄壯。豈如吾甥不流宕，丞相中郎丈人行。〔一五〕一飯國語：夫差曰：「寡人禮先一

飯矣。」〔一六〕光和趙明誠金石錄：老子銘，舊傳蔡邕文并書，杜詩「苦縣光和尚骨立」，世傳此碑是

也。〔一七〕織波韋績墨藪：隸勢曰：修短相副，異體同勢。奮筆輕舉，離而不絕。濃點織波，錯落

其間。〔一八〕書佐張彥遠法書要錄：程邈繫雲陽獄中，覃思十年，益大小篆方圓而爲隸書三千字，以

爲隸人佐書，故曰隸書。〔一九〕口哇莊子秋水篇：公孫龍口哇而不合。成玄英疏曰：哇，開也。

〔二〇〕鼻肩張平子西京賦：巨靈鼻肩。薛綜曰：鼻肩，作力之貌也。〔二一〕墨莊張邦基墨莊漫錄

序：予性喜藏書，隨所寓榜曰墨莊，故題其首日墨莊漫錄。〔二二〕周鼎楚辭七諫：周鼎潛乎深淵。

王逸曰：周鼎，夏禹所作鼎也。〔二三〕晉轡南史劉杳傳：杳曰：「古者樽彝皆刻木爲鳥獸，鑿頂及

背以出內酒。魏時，魯郡地中得齊大夫子尾送女器，有犧樽作犧牛形。晉永嘉中，賊曹疑于青州發齊景冢，

又得二樽，形亦爲牛象。二處皆古之遺器，知非虛也。〔二四〕鄴架昌黎送諸葛覺往隨州讀書詩：鄴

侯家多書，插架三萬軸。〔二五〕虞戈沈作喆寓簡：唐文皇帝妙于墨翰，常病戈法難精，乃作戩字，空

其右而命虞永興填之以示魏鄭公，曰：「朕學世南，似盡其法。」鄭公曰：「天筆所臨，非臣下可擬。然唯戩字

戈法乃逼真。」太宗驚歎：「鄭公之鑒裁，可謂入神矣。」〔二六〕石鼓王厚之石鼓文考正：石鼓文，周王

之獵碣也。其鼓有十，因其石之自然麓有鼓形。字刻于其旁。石質堅頑，類今人爲碣磳者。韓愈以爲宣王

鼓，韋應物以爲文王鼓，宣王刻。自歐陽集古錄，始設三疑。鄭樵摘「岳殿」二字見于秦斤秦權，而指以爲秦

鼓。偽劉詞臣馬定國以宇文泰嘗蒐岐陽，而指以爲後周物。予不得不辨。董道曰：傳曰：成有岐陽之蒐。

杜預謂還歸自奄，乃大蒐于岐陽。叔向曰：「昔成王盟諸侯于岐陽，楚爲荆蠻，置茅蕝。」宣王蒐岐陽，世遂無

聞哉。方成康與穆賦頌鍾鼎之銘，皆番吾之迹，則此爲番吾可知。〔二七〕白科昌黎石鼓歌：故人從

軍在右輔，爲我量度掘白科。〔二八〕維鯁貫柳東坡石鼓歌：我車既攻馬亦同，其魚維鯁貫之柳。注

曰：其詞云「我車既攻，我馬既同」，又云「其魚維何？維鯁維鯉。何以貫之，維楊與柳」，維此六句可讀，餘

不可通。〔二九〕許公頌楊爾曾岱宗圖說：宮後峭壁十仞，刻唐玄宗紀泰山銘，字大于掌，其下漸就銷

泐者，唐磨崖碑也。右爲閩人章焯刻以「忠孝廉節」四字。籠其上者，蘇頌東封頌也。〔三〇〕珠囊孔

穎達易經正義序：秦亡金鏡，未墜斯文。漢理珠囊，重興儒雅。〔三一〕儻書韓非子喻老篇：王壽負

書而行，見徐馮于周塗，焚其書而儻之。〔三二〕破體李商隱韓碑詩：文成破體書在紙。〔三三〕

兔園五代史劉岳傳：馮道世本田家，狀貌質野。旦入朝，任贊與岳在其後，道行數反顧。贊問岳：「道反

顧何爲？」岳曰：「遺下兔園冊耳。」兔園冊者，鄉校俚儒教田夫牧子之所誦也，故岳舉以誚道。〔三四〕

乳臭漢書高帝紀：是口尚乳臭。師古曰：乳臭，言其幼小。〔三五〕見斗易豐卦：九四，日中見斗，

遇其夷主，吉。象曰：日中見斗，幽不明也。〔三六〕先河記學記：三王之祭川也，皆先河而後海。

或源也，或委也。此之謂務本。〔三七〕喞喞丁度集韻：喞喞，小兒相應聲。〔三八〕么麼漢書

敘傳：又況么麼，尚不及數子。鄭氏曰：麼音麼，小也。師古曰：么，麼，皆微小之稱也。〔三九〕汲

冢晉書束皙傳：太康二年，汲郡人不準盜發魏襄王墓，或云安釐王冢，得竹書數十車，凡七十五篇，七篇簡

書折壞，不識名題。漆書皆科斗字，多燼簡斷札，文既殘缺，不復詮次。武帝以其書付秘書校綴次第，尋考指

歸，而以今文寫之。皙在著作，得觀竹書，隨疑分釋，皆有義證。〔四〇〕書門水經注：嶧山北有絕巖，

秦始皇觀禮于魯，登于嶧山之上，命李斯以大篆勒銘山嶺，名曰書門。

〔四一〕祈年 東坡詛楚文詩：嶧

嶧開元寺，髣髴祈年觀。舊築掃成空，古碑埋不爛。序曰：碑獲于開元寺土下，今在太守便廳。秦穆公葬

于雍橐泉祈年觀下，今墓在開元寺之東南數十步，則寺豈祈年之故基耶？淮南王遷于蜀，至雍，道病卒。則

雍非長安，此乃古雍也。

〔四二〕岫巖 昌黎岫巖山詩：岫巖山尖神禹碑，字青石赤形摹奇。科斗拳身

雍葉披，鸞飄鳳泊拏虎螭。

〔四三〕梯几 山海經：西王母梯几而戴勝杖。郭璞曰：梯，謂憑也。

## 松談閣印史歌爲郭胤伯作

六書繆篆〔一〕用摹刻，大者符璽細印章。崩崖古隧取次出，鏤金琢玉爭奔臧〔二〕。關

中郭髯最好古，十年收討盈篋箱。部居州亂作譜牒，編次緗帙盛縹囊。璀璨丹砂照蟲

鳥，錯互金薤〔三〕堆琳琅。攷正職官本二史，貫穿訓故窮凡將〔四〕。竊取正用史家法，豈

玩小物塗朱黃。憶昔先朝席豐豫，符瑞紛沓徵禎祥。河清鳳見〔五〕屢奏賀，玉璽〔六〕又報

來臨漳。先帝親御文華門，制詔臣下風四方。千官鶴列瞻負宸〔七〕，衝牙〔八〕雙瑀聲鏗

鏘。中官屹立當御座，插冠貂尾加金璫〔九〕。紫泥〔一〇〕封坼青囊〔一一〕解，金銀贖組開輝

煌。臨軒手持四寸璽，俯示陞城周兩旁。槃龍紐螭弄掌握，衫袖照燭回虹光。侍臣代

奉傳國寶，殿中不用尚玉郎。鴻臚傳制百僚賀，文曰受命壽永昌。朝罷君臣咸燕喜，南面並進南山觴。豈知瑞應不虛見，中興天以授我皇。郭君此書精且良，曷不首勒玉璽圖，訪問禮宮摹尚方？如服有冕網有綱，蠅頭細字注幾行。吾詩附璽垂久長，命曰印史非誇張，春秋之義微而彰。

【注釋】

〔一〕繆篆 漢書藝文志：六體者，古文、奇字、篆書、隸書、繆篆、蟲書。師古曰：繆篆，謂其文屈曲纏繞，所以摹印章也。

〔二〕弃藏 漢書陳遵傳：皆藏去以爲榮。師古曰：去，亦藏也。音丘呂反，又音舉。

〔三〕金薤 昌黎調張籍詩：平生千萬篇，金薤垂琳琅。

〔四〕凡將 漢書藝文志：武帝時，司馬相如作

凡將篇，無復字。

〔五〕河清鳳見 天啓元年辛酉，自河南至陝西界，黃河水清三日。二年壬戌十月初九

日，有大鳥高七八尺，羽翼陸離，集于開封府禹門大隗山，羣鳥千萬旋遶左右，至十二日始飛去。人皆指爲鳳凰。

〔六〕玉璽 天啓四年九月初四日，玉璽出于彰德府臨漳縣，闊四寸，龍紐斗形。河南撫臣鄭紹上疏

曰：「秦璽之不足徵久矣，今璽之出，適在臣疆內，道路誼諫，流聞禁闈，欲遣官恭進，跡涉獻媚。昔王孫圉不寶玉珩，楚威王不寶照乘，蠻夷偏霸，猶知尊賢樂善，照耀史冊，況于明聖之主乎？今之大臣，如總憲鄒元標、馮從吾、尚書王紀、盛以弘、孫慎行、侍郎曹國汴等，憂國奉公，白首著艾，又有一斥不還之詞林，久錮不起之臺諫，思皇多士，國之寶臣。臣不能挽回天聽，汲致明庭，徒獻符貢璽，效七十二代之故事，臣竊羞之。」時逆奄方侈言符命，勒令進璽，要上親御文華門制詔受賀。璽貯御前，逆奄手捧之，負扆而立，頒示羣僚，指揮

上下，無復人臣之度。御史黃尊素執奏曰：「宋哲宗得璽，蔡確等爭言祥瑞，改年元符。其後朋黨煩興，宋祚不永。弘治十三年，陝西進玉璽，止命取進。祖宗成例當法，不應踵襲宋事。」鄭、黃二公之奏，據經守正，良有旨也。公此詩詳書其事，一則曰「立當御座」，再則曰「臨軒手持」，顯著逆奄之無君也。此璽之進，既稱爲傳國寶，則尚玉有人，頒示有制。今爲侍臣代奉，顯示斗柄在手，非僭竊而何？繼以文曰「受命永昌」之句，即取其文斷之，譌以傳譌，公意有所深譏焉，以見禎祥之不足恃也。石晉人洛，清泰自焚，摘屋一炬，秦璽等于秦灰，咸陽段義之獻，久爲識者所鄙。解縉謂傳國寶焚燬已久，屢求屢得，真偽莫明。先臣卓識如此。公詩義嚴詞正，即進璽一端，詳著逆奄不臣以爲昭鑒，殆猶春秋之意也夫！

南面負宸攝袂而揖王公。〔八〕衝牙 潘安仁籍田賦：衝牙錚鎗。李善曰：禮記：凡帶必有佩，佩玉

有衝牙。居中央，以前後觸也。錚鎗，玉聲也。〔九〕貂璫 范蔚宗宦者傳論：皆銀璫左貂，給事殿省。

〔一〇〕紫泥 樂史寰宇記：階州將利縣紫水，隴右記云：武都紫水有泥，其色赤紫而粘，貢之封璽書，故詔

誥有紫泥之美。〔一一〕青囊 崔豹古今注：青囊，所以盛印也。奏劾者，則以青布囊盛印于前，示奉王

法而行也。非奏劾者，則以青繒爲囊，盛印于後也。謂劾尚質直，故用布，非奏劾者尚文明，故用繒。自晉朝

以來，劾奏之官，專以印居前，非劾奏之官，專以印居後。

## 人日

人日嗟何日？題詩憶草堂。容顏獄吏惜，時序老夫傷。好事如花少，愁心並柳

長。不知分勝侶〔一〕，若箇話蕭郎？

【注釋】

〔一〕分勝侶 樂天江南喜逢蕭九徹因話長安舊遊詩：選勝移銀燭，邀歡舉玉觴。

荅上吳子德與次東坡獄中寄子由韻作丁丑紀聞詩六首蓋悲余之逮繫而喜其獄之漸解也感而和之亦如其前後之次

銀鐺〔一〕影裏見殘春，悵恨登朝未殺身。禍遭隱章〔二〕知漢法，行逢贈策〔三〕感秦人。途窮漫浪謾山鬼，獄急倉皇禮嶽神。金馬〔四〕多生餘諍論，欲臨流水〔五〕證前因。

【注釋】

〔一〕銀鐺 後漢書崔駰傳：董卓收烈付郡獄，錮之銀鐺鐵鎖。說文曰：銀鐺，鎖也。〔二〕隱章 後

漢書蔡邕傳：趣以飲章，辭情何緣復聞？臣賢曰：飲猶隱卻告人姓名，無可對問。章者，今之表也。

〔三〕贈策 左傳文公十三年：晉人患秦之用士會，使魏壽餘偽以魏叛者，以誘士會，繞朝贈之以策，曰：「子無謂秦無人，吾謀適不用也。」〔四〕金馬 公曾夢前生爲金馬道人，與尊者說法，以諍論故，應受業報。

〔五〕臨水 五燈會元：善慧大士過天竺僧嵩頭陀曰：「我與汝毗婆尸佛前發誓，今兜率宮衣鉢見在，何日當

還？」因命臨水觀影，見圓光寶蓋。

### 其一

酷日酸風並慘悽，路長人極馬頭低。孤身豈合投豺虎〔一〕，三物何當詛犬雞〔二〕？  
婉變更無臨市妾，顛狂猶有送行妻。蒼茫汶泗交流地，薄暮祇疑湘沅〔三〕西。

#### 【注釋】

〔一〕投豺虎 小雅巷伯詩：投畀豺虎，豺虎不食。

〔二〕詛雞犬 小雅何人斯詩：出此三物，以詛爾

斯。毛萇傳曰：三物，豕、犬、雞也。左傳隱公十一年：鄭伯使卒出緞，行出雞犬，以詛射潁考叔者。

〔三〕湘沅離騷：濟沅湘以南征兮，就重華而敝詞。王逸曰：沅、湘，水名。

### 其三

隕霜猶自望回春，斗極〔一〕誰收趙壹身？已分殘生餘有幾，更將窮命乞何人？市  
朝到處逢魑魅〔二〕，狂狷〔三〕中間仗鬼神。不信古來鈎黨〔四〕事，刊章〔五〕錄牒〔六〕正相因。



【注釋】

〔一〕斗極 後漢書趙壹傳：「壹恃才倨傲，爲鄉黨所擯。後屢抵罪，幾至死，友人救得免。」壹貽書謝恩曰：「收之于斗極，還之于司命。」〔二〕魑魅 少陵天末懷李白詩：「文章憎命達，魑魅喜人過。」左傳宣公三年：「魑魅罔兩，莫能逢之。」集解曰：「魑，山神，獸形。魅，怪物。罔兩，水神。螭，勅知反，魅，亡備反。」〔三〕狂狷 法言吾子篇：「狂狷使人多禮乎？」宋咸曰：「牢獄也。」〔四〕鈞黨 後漢書靈帝紀：「侯覽諷有司奏鈞黨下獄。」臣賢曰：「鈞，謂相牽引也。」〔五〕刊章 後漢書孔融傳：「山陽張儉爲中常侍侯覽所怨，覽爲刊章下州郡，以名捕儉。」臣賢曰：「刊，削也，謂削去告人姓名。」〔六〕錄牒 後漢書黨錮傳：「侍御史蜀郡景毅子願爲膺門徒，未有錄牒，不及於遣，毅慨然自表免歸。」

其四

八寒陰獄〔一〕夏淒淒，破壁殘燈白首低。一夜霜天愁喚鶴〔二〕，五更風雨悔鳴雞〔三〕。  
捐生聶政〔四〕今無母，先死王章〔五〕尚有妻。准擬圖形〔六〕屈原廟，墓門何用刻征西〔七〕。

【注釋】

〔一〕八寒陰獄 翻譯名義集：「大論云：八寒冰獄者：一名頰浮陀，少多有孔。二名尼羅浮屠，無孔。三名阿羅羅，寒顛聲也。四名阿婆婆，亦患寒聲。五名睺睺，亦是患寒聲。六名溫波羅，此地域外逼作青蓮花